



Broj: 03-05-12-984 /17
Konjic, 30.03.2017. godine

Na osnovu člana 100. Zakona o lokalnoj samoupravi („Službene novine HNK“, broj: 4/00) i člana 16. i 107. Statuta Općine Konjic (broj: 4/11, 6/11), Općinsko vijeće na sjednici održanoj dana 30.03.2017. godine, donijelo je

ODLUKU **o osnivanju Žalbenog vijeća**

I

Ovom Odlukom utvrđuje se nadležnost, broj i sastav članova Žalbenog vijeća, način imenovanja članova, pečat i sjedište, način i postupak odlučivanja i druga pitanja od značaja za rad Žalbenog vijeća Općine Konjic.

II

Žalbeno vijeće rješava po žalbama protiv pojedinačnih upravnih akata, radnji i mjera Načelnika Općine Konjic donesenih u prvom stepenu koja se odnose na pitanja koja po Ustavu i Zakonu čine isključivo samoupravni djelokrug Općine.

III

Žalbeno vijeće broji 5 članova od kojih 3 člana i 2 zamjenika članova, koji imaju završenu VSS (diplomirani pravnik), iskustvo u poznavanju i primjeni Zakona o upravnom postupku.

U Žalbeno vijeće se imenuju:

1. Umihana Sultanić, predsjednik
2. Enis Mustafić, zamjenik predsjednika, član
3. Senka Baraković, član
4. Korić Dženita, zamjenik člana
5. Mirko Ivković, zamjenik člana

Žalbeno vijeće raspravlja i odlučuje u sastavu od 3 člana. Zamjenici članova učestvuju u radu Žalbenog vijeća samo u odsutnosti članova Žalbenog vijeća, o čemu odlučuje predsjednik Žalbenog vijeća.

IV

Mandat članova Žalbenog vijeća traje 4 godine.

Žalbeno vijeće podnosi izvještaj o radu Općinskom vijeću za predhodnu godinu.

V

Sjedište Žalbenog vijeća je u zgradi Općine Konjic, Ulica M.Tita br. 62.

VI

Žalbeno vijeće ima pečat okruglog oblika, promjera 50 mm.

Tekst pečata glasi: BiH, FBiH, HN Kanton – Županija, Općina Konjic, Žalbeno vijeće.

Žalbeno vijeće ima Poslovnik o radu.

VII

Članovi Žalbenog vijeća imaju pravo na naknadu za rad: predsjednik Žalbenog vijeća 30,00 KM(neto), a član 20,00 KM(neto) po pojedinačnom upravnom predmetu.

VIII

Odluka stupa na snagu narednog dana od dana objavljivanja u „Službenom glasniku Općine Konjic“, i ima se objaviti na Oglasnoj tabli Općine Konjic.

**PREDSJEDNIK
OPĆINSKOG VIJEĆA
Ibro Halilović**